

遇福

無註

同人

床傾簣折屋漏垣缺季姬不愜

無註

大有

東入海口循流北走一高一下五色

無主七日六夜死於水浦

無註

謙

群需入邑求索肉食大人御守君不

失國

無註

豫

四亂不安東西為患退身止足無出

邦域乃得完全賴其生福

無註

隨

叔勝抱冤祁子自邑乘遽解患羊舌
以免賴其福全

按春秋叔勝即叔向祁子即祈奚
羊舌虎叔向弟也晉范宣子殺虎
囚向祈奚聞之乘駟而見宣子言
叔向之善宣子悅言諸公而免之

盪

延頸望酒不入我口深目自苦利得
無有

無註

臨

仁政之德蒸蒸日上息成都就邑人受
厥福

無註

賁

生角有尾張孽制家排羊逐狐張氏
易公憂禍重凶

無註

噬嗑

教羊逐兔使魚相捕任非其人費日
無功

無註

觀

牽頭繫尾訕折幾死周世無人不知
所歸

無註

剝

去安就危墜陷井池破我玉璫
瑤石似玉詩傳佩玉瓊瑤

復

茹芝餌黃塗飲玉英與神流通長無

憂凶

無註

無妄

體重飛難未能越關

無註

大畜

巢成樹折傷我彘器伯陵叔跌亡羊

乃追

無註

頤

六人俱行各遺其囊黃鶴失珠無以

為明

無註

大過

蟠梅折枝與母分離絕不相知

無註

坎

迎福開戶喜隨我後曹伯愷弟為宋國主

春秋宋以曹師殺子游立桓公

離

既癡且狂兩目又盲蹠踞啞喑名為無中

無註

咸

金梁鐵柱十年牢固完全不腐聖人安處

無註

恒

裹糗荷糧與跡相逢欲飛不得為罔所獲

糗糒也熬米麥爲之

透

彭名爲妖暴龍作災盜堯衣裳聚跖
荷兵青禽照夜三旦夷亡

未詳

大壯

獨夫老婦不能生子鰥寡俱處

無註

晉

鷦鷯竊脂巢於小枝搖動不安爲風
所吹心寒漂搖常憂危殆

鷦鷯小鳥竊脂即桑扈也

明夷

素車木馬不任負重王子出征憂危
爲咎

無註

家人

土陷四維安平不危利以居止保
有玉女

無註

睽

負牛上山力劣行難烈風雨雪遮
道我前中道復還

無註

蹇

金城鐵郭上下同力政平民親寇不
敢賊

漢關中金城千里天府之國也

解

清潔淵塞為人所言證訊詰問繫於
叔温甘棠聽斷昭然蒙惠

詩甘棠召伯行文王之化聽訟於

甘棠之下

損

臯陶聽理岐伯悅喜西登華道東歸

無咎

舜典臯陶作士岐伯岐山之下文

王為西伯至後三分天下有其二

益

低頭竊視有所畏避行作未利酒酸

魚賤泉莫貪嗜

無註

夫

十雉百雉常與母俱抱雞搏虎誰肯

為侶

無註

始

高阜山陵陂陀顛崩為國妖祥元后

以薨

無註

萃

六鷁退飛為衰敗祥陳師合戰左股

夷傷遂以薨崩霸功不終

春秋僖公十六年正月六鷁退飛

過宋都二十二年十一月宋公及

楚人戰于泓宋師敗績公傷股二

十三年五月公卒傷於泓故也

升

異國殊俗情不相得金木為仇百戰

檀穀

無註

困

鷓鴣叫庭中以戒災凶虛門擊柝備憂

暴客

吳身繫辭重門擊柝以待暴客蓋取
諸豫

井

慈母赤子饗賜得仕獲夷服除以安
王家側陋逢時

無註

革

剗迹惡人使德不通炎旱為災年穀

大傷

無註

鼎

躬履孔德以待東帶文君燎獵呂尚
獲福號稱太師封建齊國

史記西伯出獵呂望釣于渭水載
之以歸尊為太公武王立為師後
伐紂有天下遂封于齊

震

征將止惡鼓鞞除賊慶仲奔莒子般獲福

按春秋莊公三十二年十月共仲使圍人犂賊子般于黨氏共仲即慶父閔公二年公子慶父出奔莒此云子般獲福不知何謂

艮

良者淑女配合相保多孫衆子懽樂長久

無註

漸

矮蛇四牡思念父母王事靡盬不秣

詩小雅四牡篇云四牡駢駢周道倭遲又曰王事靡盬不遑將父不

遼將母

歸妹

水壞我里東流為海鳥龜謹豈不得

安居

無註

豐

東帛戔戔賻我孟宣徵召送君變號

易李

未詳

巽

乾行天德履贍六合嘔响成熟使我

福德

周易乾卦彖曰大哉乾元萬物資

始乃統天六合天地四方

兌

秦晉大國更相尅賊獲惠質圍鄭被

其咎

按春秋魯僖公十五年十有一月
晉侯及秦伯戰于韓大夫慶鄭以
救公誤之遂失秦伯秦獲晉侯以
歸十七年晉太子圉為質於秦十
一月晉侯歸丁丑殺慶鄭而後入

渙

晦昧昏明君無紀綱甲子成亂簡公

喪亡

子當作午按春秋魯哀公十四年
五月申午齊陳恒作難簡公亡

節

三足無頭弗知所之心狂精傷莫伊
為明不見月光

無註

中孚

長夜短日陰多陽賊萬物空枯歲在
北陸

易通統圖日行北方異道曰北陸

小過

依宵夜遊與大君俱除解頓感使我
無憂

無註

既濟

逐麋西山利入我門陰陽和調國無
災殘長子出遊須其仁君

無註

未濟

請冀左耳畜不我駘與我父母

無註

易林卷第十四

易通統圖

焦氏易林

巽 兌
渙 節
中孚 小過
既濟 未濟

臺灣國家圖書館, NATIONAL CENTRAL LIBRARY, TAIWAN. R.O.C.

書名

易林注

(第捌)

冊)共捌冊

刊寫時代

鈔汲古閣景元集十卷

裝式

蝶裝 黃綾皮

卷數

第十卷第十法

葉數

壹百肆拾卷

行格

半葉捌行行拾伍字

高廣

高伍寸壹分 廣法同捌分

邊口

左右雙線白口上魚尾下懸卷數下魚尾上標字數

首尾有本館朱文長印

印章

其他標識及狀況

每冊並註者紙兩拾標三註或本詳等字

覆查加注

中華民國十三年 三月 廿五日

臺灣國家圖書館, NATIONAL CENTRAL LIBRARY, TAIWAN, R.O.C.

檢查者 李文荷
覆查者 饒汝德

易林卷第十五

巽上巽

巽上巽

温山松栢常茂不落鸞鳳以庇得其

懽樂

無註

之乾

采唐沫鄉要期桑中失信不啻憂思
約帶

詩桑中篇云爰采唐矣沫之鄉矣
云誰之思美孟姜矣期我乎桑中

坤

有鳥飛來集于宮樹鳴聲可畏主將
出去

無註

屯

仁政之德參參日息成都就邑入受

厥福

史記舜所居二年成邑三年成都
謂之都君修德行仁堯禪以天下

蒙

他山之儲與瓊為仇來攻吾城傷我
肌膚邦家搔憂

無註

需

齋貝贖狸不聽我碎繫於虎鬚牽不
得來

無註

訟

一簧兩舌妄言諂語三女惑虛曾毋
投杼

一簧者即詩所謂巧言如簧兩舌
言不一也曾毋曾參之母人有言

師

曾參殺人者曾母不信及三人言之曾母投杼下機而走

薄行搔尾逐雲除水污泥為陸下田宜稷

無註

比

天門九重深內難通明坐至暮不見

神公

無註

小畜

闇目失明耳闕聽聰陷入深淵滅頃

憂凶

頃當作頂周易大過上六過涉滅頂凶無咎闕音過

履後

霧露早霜日闇不明陰陽孽疾年穀大傷

無註

泰

三諧土廊德義明堂交讓往來享讌相承箕伯朝王錫我玄黃

黃帝曰合宮堯曰衢室舜曰摠章

夏曰世室殷曰陽館周曰明堂在

國之陽箕伯即箕子武王伐紂遂歸周封於朝鮮

否

爭雞失羊利得不長陳蔡之患賴楚以安

史記孔子在陳蔡之間楚使人聘之孔子將往拜禮陳蔡大夫謀曰楚若用孔子則陳蔡大夫危矣於

是乃相與發徒圍孔子於野不得
行絕糧使子貢至楚楚昭王興師
迎孔子然後得免

同人

天旱水涸枯槁無澤未有所獲

無註

大有

陶朱白珪善賈息資公子王孫富利

不貧

陶朱即范蠡白珪名丹周人史言
能薄飲食忍嗜欲二人皆善賈貨
生息資財以致巨富

謙

龜厭江海陸行不止自令枯槁失其
都市憂悔為咎

無註

豫

黃鳥採蓄既掾不荅念吾父兄思復

邦國

詩小雅黃鳥篇云黃鳥黃鳥無啄

我粟此邦之人不我肯穀言旋言

歸復我邦族

隨

田鼠野雛意常欲逃拘制籠檻不得

動搖

無註

蠱

平國不君夏氏作亂烏號竊發靈公

殞命

陳靈公通於夏姬其子徵舒病之

出自旣射而中之事見宣公十年

臨

巨蛇大鱷戰於國郊上下閉塞君道
走逃

無註

觀

讒言亂國覆是為非伯奇流離恭子
憂哀

春秋左傳晉獻公嬖驪姬驪姬欲
立其子奚齊賂外嬖譖毀群公子

及世子申生恭子即申生也伯奇
尹吉甫之子也後母譖而逐之

噬嗑

鬱影映不明為陰所傷衆霧集聚共奪
日光

無註

賁

望城抱子見邑不殆公孫上堂大君

歡喜

無註

剥

三虫作蠱划跡無與勝母盜泉君子
弗處

按史記鄒陽書里名勝母曾子不
入盜泉水名孔子不漱

復

車馳人趨卷甲相求齊魯寇戎敗於
犬丘

按春秋齊師侵魯戰于長勺車馳
卒奔齊師敗績事見莊公十年

无妄

欲訪子車善相欺詒桓叔相迎不見
所期

未詳

大畜

爭雞失羊亡其金囊利得不長陳蔡
之患賴楚以安

史記孔子在陳蔡之間楚使人聘
之孔子將往拜禮陳蔡大夫謀曰
楚若用孔子則陳蔡大夫危矣於
是乃相與發徒圍孔子於野不得
行絕糧使子貢至楚楚昭王興師
迎孔子然後得免

頤

歲暮華落陽入陰室萬物伏藏匿不
可得

無註

大過

晨風文翮大舉就温過我城邑羿無
所得

詩云歛彼晨風鬱鬱彼北林晨風鷗也羿后羿古之善射者

坎

時鵠抱子見虵何咎室家俱在不失其所

無註

離

隱隱大雷霹靂為雨有女癡狂驚駭

隣里

無註

咸

無足斷跟居處不安凶惡為患

無註

恒

破筐弊筥弃捐於道不復為寶

無註

遁

三雞啄粟十雞從食飢鳶卒擊亡其
兩叔

無註

大壯

乘車七百以明文德踐土葵丘齊晉
受福

按春秋成公二年衛孫桓子魯臧

宣叔如晉乞師晉侯許之七百乘

卻克曰無能為役請八百乘許之

又僖公九年齊侯盟諸侯于葵丘

二十八年公會晉侯齊侯于踐土

晉

百足俱行相輔為強三聖翼翼事王室

寵光

三聖堯舜禹也

明夷

典策法書藏閣蘭臺雖遭潰亂獨不
逢災

漢官儀御史臺內掌蘭臺秘書

家人

四誅不服恃強負力倍道趨敵師徒
敗覆

四當作西按史記楚項梁西擊秦
破章邯引兵至定陶再破秦軍項
羽沛公大破秦兵於雍斬李由梁
益輕秦有驕色宋義諫弗聽秦悉
起兵益章邯擊楚軍大破之定陶
項梁死焉

睽

春陽生草夏長條肆萬物蕃滋充實
益有

無註

蹇

礲礲禿白不生黍稷無以供祭祇靈

乏祀

無註

解

褰衣涉河水深漬罷賴幸舟子濟脫

無他

無註

損

宜行賈市所求必倍戴喜抱子與利

為友

無註

光皿

兄征東夷弟伐遼西大尅勝還封君

河間

無註

夫

初雖驚惶後乃無傷受其福慶

無註

溝

隨風乘龍與利相逢田獲三倍商旅
有功憧憧之邑長安無他

無註

萃

魚擾水濁寇圍吾邑城危不安驚恐
狂惑

無註

升

雖窮復通履危不凶保其明公

無註

困

坤厚地德庶物蕃息平康正直以綏
大福

易坤彖曰坤厚載物德合无疆書
洪範六三德曰平康正直

井

山水暴怒壞梁折柱稽難行旅留連
愁苦

無註

革

使塢築室身不庇宿家無聊賴殲我
衣服

無註

鼎

矢石所射襄公痢劇吳子巢門傷病
不治

按春秋魯莊公八年齊襄公田于

震
貝丘見大豕公怒曰彭生敢見射
之豕人立而啼公懼墜于車傷足
襄公二十五年吳子諸樊伐楚門
于巢巢牛臣隱於短墻以射之卒

日月運行一寒一暑榮寵赫赫不可
得保顛隕墜墮更爲士伍

無註

艮

宮門愁鳴臣圍其君不得東西

無註

漸

戴瓏望天不見星辰頽小失大福逃

墻外

無註

歸妹

天之所明禍不遇家反自相逐終得
和鳴

無註

豐

天陰霖雨塗行泥潦商人休止市無
所有

無註

旅

嘉門福喜增累盛熾日就有德宜民

宜國

無註

允

南山之陽華葉將將喜樂君子為國
寵光

無註

渙

畫龍頭頸文章未成甘言美語說辭
無名

無註

節

嬰兒孩子未有所識彼童而角亂我
正事

詩大雅抑之篇云彼童而角實虹
小子註云彼謂不修德而可以非
人者是牛羊之童者而求其角也
亦徒憤亂而已

中孚

陰作大姦欲君勿言鴻鵠利口發患
禍端荆季懷憂張伯被患
未詳

小過

德之流行利之四鄉雨師洒道風伯

逐殃巡狩封禪以告成功

唐虞天子五載一巡狩巡狩巡行諸侯所守之地也封土為壇除地為禪古者帝王之興每易位而起必封乎泰山所以告成功也

既濟

禹將為君裝入崑崙稍進陽光登見温湯功德昭明

大禹妣姓崑崙書註云即河源所出在臨羌禹治水有功舜以天下禪焉

未濟

五岳四瀆含潤為德行不失理民賴恩福

無註

三三
兌上 兌下

班馬還師以息勞疲後夫嘉喜入戶見妻

春秋齊師夜遁有班馬之聲註馬不相見故鳴班別也

之乾

踐履危難脫厄去患入福喜門見悔大君

無註

坤

子鉏執麟春秋作元陰聖將終尼父悲心

左傳哀公十四年春西狩於大野叔孫氏之車子鉏商獲麟孔子作春秋

屯

夾河為婚期至無舡搖心失望不見

所權

無註

蒙

天孫帝子與日月處光榮於世福祿

祉祉

無註

需

三人爭妻相隨奔馳終日不食精氣

勞罷

無註

訟

禹召諸侯會稽南山執玉萬國天下

康寧

史記禹南巡狩會諸侯於塗山執

玉帛者萬國

師

早霜晚雪傷害禾麥捐功弃力飢無所食

無註

比

嵩融持戟杜伯荷弩降觀下國誅逐無道夏商之季失勢外走

未詳

小畜

生有聖德上配大極皇靈建中受我以福

詩曰克配彼天莫匪爾極言后稷之德真可配天使我蒸民得以粒食者莫非其德之至也書曰建中于民又曰斂時五福用敷錫厥庶民言建中者立中道於天下也中者天下之所同有然非君建之則

民不能以自中而禮義者所以建
中者也

履

下田陸黍萬華生齒大雨霖集波病
潰腐

無註

泰

子畏於匡困厄陳蔡明德不危竟剋
免害

孔子過匡匡人以為陽虎而拘之
在陳蔡絕糧言聖人道全德備雖
遇患而不危殆也

否

有兩赤頭從五岳來謠言無祐趨爾
之林俯伏聽命不敢動搖
未詳

同人

當得自如不逢凶災衰者復興終無禍來

無註

大有

朽根剛樹華葉落去卒逢大火燠隨風偃仆

燠音燠

謙

葛生衍蔓絺綌爲願家道篤厚父兄
悅喜

葛覃詩云爲絺爲綌言后妃在父
母家則志在於女功之事

豫

東行求玉反得弊石名曰無直字曰
醜惡衆所賤薄

無註

隨

瞻白因絃駕孱恐怯任力隨劣如蝟
見鵲偃視恐伏不敢拒格

史記龜策傳云狷辱於鵲郭璞曰
狷能制虎見鵲仰地淮南畢萬曰
鵲令狷反腹者狷憎其意而心惡
之也

虫豔

瘡痍多病宋公危殆吳子巢門無命
失所

春秋魯僖公二十二年宋襄公及
楚人戰于泓傷股二十三年宋公
卒傷於泓故也襄公二十五年吳
子諸樊伐楚門于巢巢牛臣隱於
短墻以射之吳子卒

臨

東山西岳會合俱食百喜送從以成

恩福

無註

觀

舞非其處失節多悔不合我意

無註

噬嗑

南循汝水茂樹斬枝過時不遇倆如

旦飢

詩汝墳篇云遵彼汝墳伐其條枚
未見君子惄如調飢汝水出汝州

天息山

賁

公孫駕驪載遊東齊延陵說產遺我
紵衣

左傳鄭大夫子產吳公子季札嘗
聘與子產相得子產以紵衣獻之
季札

剝

乘輿八百以明文德踐土葵丘齊晉
受福

按春秋成公二年衛孫桓子魯臧
宣叔如晉乞師晉侯許之七百乘
卻克曰無能爲役請八百乘許之
又僖公九年齊侯盟諸侯于葵丘
二十八年公會晉侯齊侯于踐土
復

雄處弱水雌在海邊別離將食哀悲
於心

書弱水既西柳宗元曰西海之山
其下有水散渙無力不能負芥

无妄

結網得解受福安坐終無患禍

無註

大畜

秋南春北隨時休息處和履中安無

憂凶

無註

頤

啓戶開門巡狩釋寃夏臺牖里湯文

悅喜

牖當作姜湯囚夏臺文王拘姜里

大過

符左契右相與合齒軋坤利貞乳生

六子長大成就風言如母

易乾坤生六子乾父坤母三男

坎艮三女巽離兌

坎

飢蚕作室絲多亂緒端不可得

無註

離

東壁飾光數闇不明主母嫉妬亂我業事

東壁星名

咸

白茅醴酒靈巫拜禱神嗜飲食使君

壽考

醴當作縮

書包匭菁茅荆楚有三脊茅祭則用以縮酒也詩楚茨篇云神嗜飲食卜爾百福

恒

范公陶夷巧賈貨資東之營丘易字子皮抱珠載金多得利歸

按史范蠡即陶朱公號鴟夷子皮
去越乘舟裝其輕寶珠玉浮海出
齊善營產業以致巨富營丘齊地

涿

三殺五祥相隨俱行迷入空澤循谷
宜北經涉六駁為所傷賊

無註

大壯

雄鷓延頸欲飛入關雨師酒道瀨我
袍裘重車難前侍者稽止

無註

晉

中年蒙慶今歲受福必有所得榮寵
受祿

無註

明夷

祿如周公建國洛東父子俱封

書洛誥周公拜手稽首曰我乃卜
澗水東灋水西惟洛食我又卜灋
水東亦惟洛食其子伯禽封于魯

家人

安床厚褥不得久宿弃我嘉讌困於
東國投杼之憂不成災福

魯人有言曾參殺人其母不信及
三人言之其母投杼下機而走

睽

蓄積有餘糞土不居

無註

蹇

心願所喜乃今逢時得我利福不離
兵革

無註

解

目不可合憂來搔足怵惕危懼去其

邦族

無註

損

福德之士權悅曰喜夷吾相拒三歸

為臣賞流子孫

夷吾齊相管仲也三歸臺名婦人

謂嫁曰歸一娶九女而備三姓

益

夏姬附耳心聽悅喜利以傳取

左傳成公七年夏姬鄭穆公女陳

大夫御叔妻巫臣嘗止子反取之

夫

叔迎兄弟遇恭在陽君子季姬並坐

鼓簧

無註

遶

徙巢去家南遇白鳥東西受福與喜
相得

無註

萃

舜登大禹石夷之野徵詣玉闕拜治

水土

書帝曰咨禹汝平水土惟時懋哉
石夷未詳

升

江河淮海天之都市商人受福國家
富有

無註

困

隱隱填填火燒山根不潤我鄰獨不

蒙恩

無註

井

闇昧不明耳聾不聽陷入深淵滅傾

凶憂

傾當作頂

周易大過上六過涉滅頂凶無咎

華

鳥鳴喈喈天火將下燔我館屋災及

妃后

春秋魯襄公三十年五月鳥鳴于

亳社如曰譱譱甲午宋大災宋伯

姬卒

鼎

十雌百雛常與毋俱抱雞搏虎誰敢

難者

無註

震

營城洛邑周公所作世建三十年歷
七百福祐盟執堅固不落

周公作洛邑定鼎於郊鄒卞曰傳
世三十歷年七百出史記

艮

三人俱行別離將食一身五心反覆
迷惑

無註

漸

三虎搏狼力不相當如雉鷹格一發
破亡

無註

歸妹

養虎畜狼還自賊傷年歲息長疾君
拜禱雖危不凶

無註

豐

後時失利不得所欲

無註

旅

雉兔之東以理為傷見鷹鷲走死於谷口

無註

巽

秋蛇向穴不失其節夫人姜氏自齊復入

按春秋魯桓公夫人文姜有邪行復歸于齊故言秋蛇猶知向穴而不失其節文姜不守理而復歸于齊也

渙

鳥鳴巢端壹呼三顛搖動東西危魂不安

無註

節

命天不遂死多鬼崇妻子啼瘖早失其雄

無註

中孚

茹屋結席崇我文德三辰旂旗家受行福

左傳三辰旂旗三辰謂日月星也

小過

羅網四張鳥無所翔征伐困極飢窮不食

無註

既濟

天地城安積石為山潤洽萬里人賴其權

無註

未濟

銅人鐵柱暴露勞苦終日卒歲無有
休止

按史記秦鑄金人十二

巽下渙

望幸不到文章未就王子逐兔犬跡
不得

無註

之乾

焱風阻越車馳揭揭弃古退思失其
和節心憂憊憊

焱音颺憊音拙

坤

蛇得澤草不憂危殆

無註

屯

兩犬爭鬪股瘡無處不成仇讎行解
邪去

無註

蒙

因禍受福喜盈其室求事皆得

無註

需

江多寶珠海多大魚疾行亟至可以
得財

無註

訟

二牛生狗以戌爲毋荆夷上侵姬伯
出走

二牛一作三年見坤之震一作三
馬生駒見否之姤

師

安息康居異國穹廬非吾習俗使我
心憂

安息康居皆外國名穹廬游帳也
其形穹隆故云出匈奴傳

比

行觸天罡馬死車傷身無聊賴困窮
乞糧

無註

小畜

羸程逐狐為人觀笑牝雞雄晨主作
亂門

書牧誓曰牝雞無晨牝雞之晨惟
家之索

履

為季求婦家在東海水長無船不見
所權

無註

泰

男女合室二姓同食婚姻孔云宜室
我家

無註

否

太微帝室黃帝所直蕃屏周衛不可
得入常安常存終無禍患

太微正衛十五星藩臣西將東相
南四星執中端左右掖門門內文
昌諸侯其內五星帝座又天文太
微為五帝之庭明堂之房

同人

賈金觀市欲買駢子猶偷竊發盜我
黃寶

駢音留

大有

三人俱行欲歸故鄉望邑入門拜見
家懽

無註

謙

娶於姜呂駕迎新婦少齊在門夫子
懽喜

按春秋昭公二年夏四月韓須如
齊逆女齊陳無宇送女致少姜少
姜有寵於晉侯謂之少齊姜齊姓
豫

伯仲旅行南求大牂長孟病足請季
負囊柳下之貞不失驪黃

無註

隨

潔身白齒衰老復起多孫衆子宜利
姑舅

無註

蠱

獨宿憎夜嫫母畏晝平王逐建荆子
憂懼

嫫母黃帝次妃貌醜而賢建楚平
王太子也費無極譖於王故建居
於城父魯昭二十年太子建奔宋

臨

追亡逐北呼還幼叔至止而得復歸
其室

無註

觀

鳥飛無翼兔走折足雖欲會同未得

鑿功

無註

噬嗑

抱空握虛鳴教我賈利去不來

無註

賁

山作天池陸地為海

無註

剝

為虎所齧太山之陽衆多從者莫敢

救藏

齧倪結切噬也

復

逶迤四牡思歸念母王事靡盬不得

安處

詩小雅四牡篇云四牡駢駢周道
倭違又曰王事靡盬不違將父又
不違將母

无妄

獼猴所言語無成全誤我白鳥使乾
口來

無註

大畜

飛不遠去卑斯內侍祿養未富

無註

頤

大尾細要重不可搖陰權制國平子
逐昭

春秋季平子逐魯昭公之事

大過

旦生夕死名曰嬰鬼不可得視

無註

坎

子畏於匡困在陳蔡明德不危竟免
危害

孔子過匡匡人以為陽虎而拘之
在陳蔡絕糧言聖人道全德備雖
遇患而不危殆也

離

畏昏潛處候時昭昭卒遭白日為世

榮主

無註

咸

白鳥銜餌嗚呼其子施翼張翅來從
其母

無註

恒

宮商角徵五音和起君臣父子弟順
有叙唐虞龍德國無尖咎
唐虞堯舜有天下之號

遯

季姬跣跣望孟城隅終日至暮不見
齊侯

詩云靜女其姝俟我於城隅愛而
不見搔首踟蹰

大壯

鬼哭於社悲傷無後甲子昧爽殷人
絕祀

書曰甲子昧爽王朝至于商郊牧
野伐紂社稷遂迂商乃滅焉

晉

天子所子福祿常在不憂危殆
無註

明夷

比目附翼相恃為福姜氏季女與君合德

春秋桓公九年春紀季姜歸于京

師註季姜桓王后也季字姜紀姓

家人

翕翕鞫鞫稍崩墮顛滅其令名

鞫音田

睽

折若殺目不見稚叔三足孤鳥遠去

家室

楚詞折若木以拂日兮若木木名

在崑崙西極其華光照下地漢天

文日中有三足鳥目當作日鳥當

作鳥

蹇

羊腸九縈相推稍前止須王孫乃能上天

羊腸趙險塞名山形屈曲如羊腸

解

坤厚地德庶物蕃息平康正直以綏大福

易坤彖曰坤厚載物德合無疆書

洪範六三德曰平康正直

損

有萃外野不逢堯主復居窮處心勞志苦

萃當作萃伊尹耕於有莘之野而樂堯舜之道此言湯未聘之日

益

胥長景行來觀桑柘上伯曰喜都叔允藏

無註

夫

周師伐紂勝於牧野甲子平旦天下大喜

書牧誓武王伐紂甲子昧爽王朝至于商郊牧野又武成大賚于四海而萬姓悅服

姤

踰江求橘并得大栗烹羊食炙飲酒歌笑

無註

萃

弊筍在梁魴逸不禁魚父勞苦筍筐莒乾口空虛無有

詩云敝筍在梁其魚魴鰈敝壞筍罟也詩人以敝筍不能制魚爲比

升

生有陰孽制家非陽遂送還牀張氏
易公憂福重凶

未詳

困

絕域異路多有怪惡使我驚懼思我
故處

無註

井

迷行失道不得牛馬百賈逃亡市空
無有

無註

革

雌鷲生雛祥異興起東雲龍騰民戴
爲父

無註

鼎

田聖聖繫累如歧之室畜一息十古公
始邑

古公周太王之本號修后稷公劉
之業績德行義國人皆戴之熏鬻
之難去函邑于岐山之下函人曰
仁人也不可失也扶老携幼歸者
如市

震

瘡瘍疥搔孝婦不省君多疢贅四牡
作去

未詳

艮

羊頭兔足言羸瘦少肉漏囊敗粟利無
所得

無註

漸

薛篋從靡空無誰是言季子明樂減
少解末句云難逢道理

未詳

歸妹

妹爲覓熟敗君正色作事不成自爲
心賊

無註

豐

四馬共轅東上太山駢驪同力無有
重難與君笑言

無註

旅

陰變爲陽女化作男治道得通君臣
相承

無註

巽

南國少子材略美好求我長女賤薄
不與反得醜惡後乃大悔

無註

兪

昭公失常季氏悖狂遜齊處野喪其
寵光

春秋昭公二十五年九月戊戌伐
季氏叔孫氏孟氏救之三家反攻
公己亥公孫于齊次于陽州二十
六年三月公至自齊居于鄆三十
二年薨于乾侯

節

天山紫芝雍梁朱草長生和氣王以
為寶公尸宥食福祿來處

芝靈草土和則生朱草百草之精

也王者德無所不通則生食之令人不老又見醫鳥詩公尸燕飲福祿來成

中孚

牽羊不前與心戾旋聞言不信誤給大人

未詳

小過

東山西山各自止安心雖相望竟未同堂

無註

既濟

鹿求其子虎廬之里唐伯李耳令負不我許

無註

未濟

三虎上山更相喧喚志心不親如仇
與怒

無註

三三坎上節
兌下節

海為水王聰聖且明百流歸德無有
叛逆常饒優足

書禹貢曰江漢朝宗于海傳云猶
諸侯之朝宗于王也

之乾

虎响怒咆慎戒外憂上下俱搔士民
無聊

無註

坤

探巢得雛仇鵠俱來使我心憂

無註

屯

日望一食常恐不足祿命寡薄

無註

蒙

良馬疾走千里一宿逃難他鄉誰能
追復

無註

需

鵲巢烏城上下不親外內乖畔子走

矢頑

無註

訟

雲龍集會征討西戎招邊定衆誰敢

當鋒

無註

師

春多膏澤夏潤優渥稼穡成熟畝獲

百斛

無註

比

童妾獨宿長女未室利無所得

無註

小畜

四亂不安東西為患退止我足無出

邦域乃得全完賴其生福

無註

履

長寧理福安我百國嘉賓上堂與季

同牀

無註

泰

騏驎駟耳章明造父伯夙成季共成

霸功為晉元輔

騏驎騶耳皆馬名造父善御伯夙
趙成子兄成季趙成子衰也皆晉
文公名臣

否

張陳嘉謀贊成漢都主權民喜其樂
休休

漢張良陳平皆以奇計佐高祖平
天下

同人

大面長頸未解君憂

無註

大有

畏昏不行待旦昭明燎獵受福老賴
其慶

無註

謙

伯去我東首髮如蓬長夜不加寐憂繫
心胃

詩衛風伯兮篇云自伯之東首如
飛蓬又曰願言思伯使我心痲註
云婦人以夫久役於外而作是詩

豫

朽條腐索不堪施用安靜候時以待

親知

無註

隨

比目四翼相倚為福姜氏季氏與君
合德

未詳

出盤

履階昇墀登高崔嵬福祿洋溢依天
之威

無註

臨

奢淫愛畱神所不福祇靈憑怒鬼障
其室

無註

觀

大步小車南到喜家送我豹裘與福
載來

無註

噬嗑

東行西步失次後舍與陂作期不真
至夜乾侯野井昭君失居

按春秋昭公二十五年公孫于齊
次于陽州至于野井二十六年居
于鄆三十二年卒于乾侯

賁

喜樂抃躍來迎名家鵲巢百兩獲利
養福

詩鵲巢篇云維鵲有巢維鳩居之
之子于歸百兩御之兩一車兩輪
故謂之兩諸侯之子嫁於諸侯送
迎皆百兩也

剥

非理後來誰肯相與往而不獲徒勞

道路

無註

復

北虜匈奴數侵邊境

無註

无妄

征不以禮伐乃無咎從獲臣子霸功
不成

無註

大畜

景星照堂麟遊鳳翔仁施大行訟聲
作興

景星星之精也王者不私人以官
使賢者在位則見

頤

文明之世銷鋒鑄鏑以道順民百王
不易

無註

大過

鳥飛無羽雞鬪折距徒自長嗟誰肯
爲侶一本云不順其德自爲凶咎

無註

坎

群隊虎狼齧彼牛羊道路不通妨農

害商

無註

离

商伯沉酒庶兄奔走淫女蕩失仁德
並孤

商伯指紂沉酒書言紂沉湎于酒
庶兄紂庶母兄微子也抱祭器歸
周淫女蕩失言紂冒亂女色以至

失國也

咸

三狸搏鼠遮遏前後當此之時不得
脫走

無註

恒

陶叔孔圍不處亂國初雖未萌後受
福慶

無註

遁

奮翅鼓翼翱翔外國逍遙北域不入

溫室

無註

大壯

德音孔博升在王室八極蒙祐受其

福祿

無註

晉

當變立權摘解患難霍然冰釋大國

以安

無註

明夷

羽動角甘雨續草木茂年歲熟

無註

家人

天所祐助福來禍去君王何憂

無註

睽

方咏宣口聖智仁厚釋解倒懸唐國

大安

方咏宣口前小畜之噬嗑作方咏

廣口義通唐國即陶唐

蹇

葛藟蒙棘棘不得實讒佞亂政使恩

雍上蹇

葛藟詩篇名蒙棘詩葛生篇云葛

生蒙棘藟蔓于域予美亡此誰與

獨息

雜

皇母多恩字養孝孫脫於襁抱成就

卷之

無註

損

積冰不溫北陸苦寒露霜多風君子

傷心

北陸日行北方黑道曰北陸

益

伯夷叔齊貞廉之師以德防患憂福

不凶

伯夷叔齊孤竹君之二子也武王

伐紂叩馬而諫義不食周粟語云

伯夷叔齊餓于首陽之下民到于

今稱之

夾

一唯二雄子不知公亂我族類使吾

心憤

無註

姑

主安多福天祿所伏居之寵昌君子
有光

無註

萃

千歲槐根利多斧般樹維枯屈枝葉
不出

無註

井

宣髮龍叔為王主國安土成稷天下
蒙恩

宣髮黑白雜也春秋共工氏有子
曰句龍為后土后土為社事在魯
昭公二十八年

華

諷德誦功周美盛隆奭旦輔成光濟
冲人

詩雅頌周公所作旦周公名奭召
公名二人相成王冲人成王也書
云惟予冲人弗及知

鼎

三夜不寐憂來益甚戒以危懼奔去
安居

無註

震

思願所之乃今逢時洗澤故憂拜其
權來

無註

升

周師伐紂勝殷牧野甲子平旦天下
大喜

牧誓武王伐紂甲子昧爽王朝至
于商郊牧野又武成大賚于四海
而萬姓悅服

困

日走月步趨不同舍夫妻反目主君
失居

易小畜輿脫輹夫妻反目

艮

嚶嚶嘒嘒夜作晝伏謀議我資來竊

吾室

無註

漸

牛駢亡子鳴於大野申復陰徵還歸
其母說以除悔

無註

歸妹

王良善御伯樂知馬周旋步趨行中
規矩止息有節延命壽考

王良古之善御者伯樂古之善相
馬者此喻文王知太公之意

豐

釋然遠咎避患害早田獲三狐以貝
為寶

周易解九二田獲三狐狐者邪媚
之獸三狐指卦之三陰也獲如能
變化除去之如田之獲狐也

旅

仁獸所處國無凶咎市賈十倍復歸
惠里

無註

巽

六目俱視各欲有志心意不同乖戾